

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiariorvm

Leuren, Peter

Coloniæ Agrippinæ, 1704

271. An nihilominus excommunicatus excommunicatione majore,
toleratus tamen, possit per exceptionem repelli ab eligendo, quid
efficaciæ habeat hæc exceptio, & qualiter instituenda.

[urn:nbn:de:hbz:466:1-74485](#)

men exercitii vel actus habendi habito pro non excommunicato, nimirum quod acta ejus sustinenda sint, ita postulante necessitate, & utilitate publica; Abb. c. ad nostram de jure jurand. n. 13. cit. à Zoës.

Questio 271. An nihilominus excommunicatus excommunicatione majore toleratus possit per exceptionem repelli ab eligendo? quid efficacia habeat ea exceptio? & qualiter instituenda?

R Espondeo ad primum affirmativè. Laym. de elec. q. 26. Pass. cit. c. 10. n. 71. cum commun. Tametsi enim ut Idem per extrav. ad evitanda, permisum fidelibus cum tali communicare, non tamen etiam per dictam extrav. ablatum à fidelibus, qui possint juxta jus antiquum vitare occultè, si occultus est, publicè, si publicus est; adeòque poterunt Electores eum vitare, si sit notorius, vel contra ejus votum potestari; qua tamen protestatio foret frustranea, si non est spes probandi excommunicationem in iudicio: sìmo quandoque contra iustitiam vel caritatem. Pass. loc. cit.

2. Respondeo ad secundum & tertium; exceptionem talem supervenientem electioni jam facta invalidam esse, & nihil operari; quia Capitulum eligens ante omnem oppositionem, & reclamacionem, non obstante tali excommunicatione, jam electio validè. Pass. n. 78. & A.A. idem cit. pro resp. ad q. præced. Si vero præcesserit electionem facta ab uno altero tamen (non enim hoc ipso tenentur alii Electores talem excommunicatum rejicere, sed possunt si volunt, cum eo communicare vicit. Extrav. ad evitanda.) agendum est protestationibus, & fugiendum periculum, & scandalum; et si facta electione confiterit, electum fuisse electum vi suffragi dati ab excommunicato (eo quod præcisè ratione istius suffragii computati electus jam fuerit à maiore parte capituli) vel si de hoc dubium, electio erit cassanda; si autem confiterit electum etiam hoc suffragio non computato habere sufficientia suffragia, electio erit valida & sustinenda. Pass. n. 79. Suar. loc. cit. contra Peyr. cit. q. 2. c. 5. n. 17. docentem absolute, seu in utroque casu electionem irritandam. Quinimo si ex speciali statuto ad validam electionem requiratur consensus omnium, adhuc talis unanimiter ab omnibus facta electio, in qua concurreret excommunicatus toleratus, etiam dum aliquis contra eum protestatus fuisset, foret valida, & dicenda unanimis; cum jam talis excommunicatus propter protestationem contra se factam redditus inhabilis se habuisset tanquam non interfuisset, Bonac. de cens. d. 2. q. 2. p. 5. num. 6. quod ipsum approbat Pass. loc. cit. n. 79.

Questio 272. Virum notoriè excommunicato non tolerato competit jus suffragii?

R Espondeo negativè. c. constitutis. de appell. juncta gl. v. excommunicationis. c. unico. ne federae, in 6. Laym. loc. cit. cum commun. Proceditque id ipsum, si talis excommunicatus sit compromissarius, si ve simplex elector. Pass. loc. cit. n. 66. etenim privatus omni exercitio jurisdictionis & officii, adeòque latum ab eo suffragium ipso jure irritum, Arg. c. cum inter. b. r. juncta gl. v. cassata. Porro hæc locum non habent in electione summi Pontificis, etiam omnes Cardinales Electores essent excommunicati; ut enim viteretur periculum schismatis in Ecclesia, justissime statutum est, ut in hac electione

nulla valeat exceptio excommunicationis Greg. XV. in constit. Eterni Patris. Clem. ne Romani, &c.

Questio 273. An ipso facto irrita quoque sit electio, si talis excommunicatus scilicet admittatur ad coeligidendum?

R Espondeo affirmativè. Suar. loc. c. n. 9. Barb. cit. c. 19. n. 56. Navarr. de elec. conf. i. num. 2. & alii quamplurimi, quos citat & sequitur Pass. n. 65. contra Laym. p. 1. t. 5. c. 2. n. 13. & Castr. prop. p. 6. de cens. d. 2. p. 13. n. 13. docentes talem electionem solum esse irritandam. Rationem dat Pass. quod ex eo, quo Electores cum tali communicant in eligendo cooperantes ei in eo, quod ex vi excommunicationis ei est inhibitum, vis excommunicationis eos afficiat; & eorum factum vitiet, arg. c. fin. de procurat. ubi Papa ideo cenfet Procuratorem esse repellendum; quia electio ejus ob admissionem voluntariam excommunicatorum fuit nulla. gl. Abb. Innoc. & alii ibid. Verumque id ipsumad hic esse in casu, quo electi sunt duo, unus ab excommunicatis, alter à non excommunicatis, ita ut facta ab his electio sit nulla; quia admiserunt ad coeligidendum excommunicatos, tenet Leander à Sacramento cit. à Pass. Secus dicendum, nimirum validam esse, & remanere electionem, dum alii Electores probabiliter ignorarunt, talem esse excommunicatum non toleratum; videndum tamen, num, dempto suffragio à tali dato, adhuc electus sit pluribus medietate suffragiis juxta dicta ad q. 270. Suar. loc. cit. n. 11. Sylv. r. electio. n. 17. Innoc. Abb. in cilla. b. t. gl. in c. si quando. b. t. in 6. & 16. Gemin. n. 3. & alii plures apud Pass. n. 67.

Questio 274. Quid si excommunicatus notoriè non toleratus non possit sine gravi periculo vel scandalo, similemve ob causam expelli ab electione?

R Espondeo electionem fore validam. Sylv. Ab. Innoc. ll. cit. Necessarium tamen est, ut catere Electores protestentur, (quod sufficer fieri occultè, dum nequit sine gravi incommmodo fieri publicè, semper tamen coram testibus. Sigism. à Bon. de elect. dub. 63. Pass. n. 68. Abb. in cilla. n. 7. Peyr. in Subd. q. 2. c. 31. §. 6.) se non velle per hoc catere communicare cum illo, illiusque votum tanquam nullum habendum. Barb. loc. cit. n. 57. Aut. de Bur. Innoc. Abb. in c. Cumana. b. t. Non tamen opus est, ut non excommunicati in isto casu exeant de Capitulo, & alibi vel alio tempore eligant, etiam si non infest terminus electioni statutus. Pass. n. 69. circa Sylv. Biaxiun. Sigism. à Bon. habent enim jus eligendi, cum eis bonum videbitur, quod non teneantur negligere; neque tenetur quis exire suā domo, si ab ea nequit ejicere excommunicatum, aut sua negotia relinquere, quia excommunicatus facit ei vim, unde cogitetur eo communicare. Pass. loc. cit. Porro idem dicendum, dum excommunicatus est denunciat vel notorius percussor Clerici, id tamen non scitur certò; eo quod percussio vel denuntiatio facta fit alibi, unde non nisi dubia fama pervenit ad locum electionis; cum enim in dubio unusquisque manutendus sit in possessione juris sui, talis non poterit ejici, adeòque Electores habent impossibilitatem (intellige juris) cum ejiciendi, Suar. loc. cit. n. 16. Pass. loc. cit. n. 70.